

**Radiukkut tv-kkullu aallakaatitsisarneq pillugu Inatsisartut Inatsisaata allanngortinneqarnera pillugu Inatsisartut inatsisaat**

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

**Akissuteqaat**

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

**Pingajussaanerinninneq**

Matumuuna Naalakkersuisut sinnerlugit qutsavigaara Kultureqarnermut, Ilisimatusarnermut Ilageeqarnermullu ataatsimiititaliap isumaliutissiissutit tapertassaanut suliaqarsimanerannik.

Naalakkersuisut iluarisimaarpaat Ataatsimiititaliap isumaqatigiittup siunnersuut akuerisassanngorlugu innersuussutigimmassuk.

Innuttaasunik kiffartuussinermut isumaqatigiissut nutaaq pillugu isumaqatiginninniarnit sinaakkusersorneqarnerani nunap immikkoortuini siammasissumik nutaarsiassanik, tusagassiornernik allanillu KNR-ip aallakaatitassiornerani siammasissumik suliaqartoqartarnissaa qulakkeerneqassasoq ataatsimiititaliap kaammattuutigaa.

Innuttaasunik kiffartuussinermut isumaqatiginninniarnermi piumasarineqartut ilanngutissallugit Naalakkersuisut tassunga atatillugu kaammattuut tusaatissatut tiguaat.

Taama naatsumik oqaaseqaateqarlunga Naalakkersuisunit siunnersuut akuerineqartussatut innersuussutigineqarpoq.